

INSTITUTIONES
CANONICÆ

REMIGII MASCHAT A S. ERASMO

CL. REG. SCHOLARUM PIARUM,
NOVISSIMIS PONTIFICUM CONSTITUTIONIBUS,


Summariis DECRETALIUM Omnium
CORRECTIONIBUS EX POSTERIORI JURE,
ET CONCILIO TRIDENTINO COLLECTIS,
*Bullarum ad ejusdem Concilii Decreta spectantium Compendio
aucta, & illustrata*

AB UBALDO GIRALDI a S. CAJETANO

EX IISDEM SCHOLIS PIIS,
Apostolico Romani Cleri Examinatore, & Collegii
Ecclesiastici Rectore.

PARS SECUNDA

Complectens Librum III. IV. & V. Decretalium.



FERRARIÆ MDCCLX.
SUMPTIBUS SOCIETATIS.

SED VENEUNT VENETIIS
APUD HÆREDES BALLEONIOS.



LIBER TERTIUS DECRETALIUM GREGORII IX. DE CLERO.

Judiciorum ordine absoluto, sequitur præfens liber, potissimam partem eorum continens, quæ spectant ad res, seu tertium objectum materiale juris; cuiusmodi sunt causæ civiles beneficiorum, contractuum ultimarum voluntatum, Patochorum, Regularium, patronorum, Ecclesiarum, & aliorum hoc libro comprehensorum. Et quamvis materia ista non pauca communes sint etiam laicis, quia tamen principaliter tangunt personas in sortem Domini vocatas, ideo præfens liber a potiori, & digniori inscribitur: *De Clero.*

TITULUS PRIMUS.

De vita, & honestate Clericorum.



Gitur de hac materia in Sexto, Clementin. & extrav. com. *h. r.* in Decretis *Can. 1. d. 21. Can. 3. 21. & seqq. d. 23. dist. 35. 41. 43. 44. 86. 91. 92. & 12. q. 1. & 21. q. 4. item de consec. Can. 35. & seqq. d. 5. In Trid. sess. 2. c. sacrosancta v. & quoniam & in Decret. Reform. sess. 14. cap. 6. sess. 22. cap. 1. sess. 23. cap. 4. sess. 24. c. 13. sess. 25. cap. 1. In Codice sparium *tit. de Episc. & Cler. & in Nov. 123.* Que iura civilia, nisi concordent cum sac. Canonibus, auctoritatem non habent.*

1. *Nota 1.* In omnibus quidem christifidelibus exigitur vitam honestam, & opera bona, ex quibus gloriatur Pater celestis: maxime tamen honestatem vitam desiderari in Clericis, quia *in eos, tanquam speculum reliqui oculis conspiciunt, ex ipse sumunt, quod imitentur.* Trid. sess. 22. c. 1. *de reform.* Porro honestas ista est duplex: interna, quæ consistit in statu gratia sanctificantis, & actuali exercitio virtutum theologiarum, & moralium; de qua hic non agitur: Externa, quæ consistit in decenti habitu corporis, & opere exteriori inculpabili: & de hac multa præcepta, præsertim negativa hic traduntur.

2. *Nota 2.* nomine *Clericorum* in ampla significatione venire eos omnes, qui in sortem domini vocati, peculiariter in Ecclesia Christi deserviunt c. 1. *cleros d. 21.* ut sunt majoribus, vel minoribus Ordinibus, imo & prima tonsura insigniti, Regulares utriusque sexus, etiam novitii, tertiarum in communi viventes, & ceteræ sub obedientia Episcopi alicui Ecclesie deservientes. Hæc ampla significatio Cleri plerumque locum habet in favorabilibus, at in obligationibus, penis, & aliis odiosis, nomine *Clericorum* veniunt solum Clerici seculares specialiter non qualificati, ut omnino non comprehendantur Episcopi, Praelati, Canonici, & Regulares, nisi ex mente legislatoris aliquid consulet, vel materia subiecta aliud suadeat, Fagnan. *lib. 1. Decret. in cap. 7. bone memorie num. 12.* Hic propter materiam communem, quæ de Clericis dicuntur, proportionaliter applicanda erunt S. R. E. Cardinalibus, Episcopis, & Regularibus, exceptis istis, quæ specialiter illorum, *Remigii a S. Erasmo. Pars II.*

rum dignitati, & statui attributa sunt, ut certus color, & forma habitus &c.

3. *Q. 1. Quid spectat ad honestatem habitus clericali?* Ante responsum nota, nomine habitus laicus accepti venire non solum vestem, sed & tonsuram Clericalem, ut ex Concil. Toletan. IV. *Can. 40.* hinc *R. 1.* Honestas habitus Clericalis consistit in tonsura, & veste Clericis propria, ita ut ex habitu exteriori primo aspectu Clericus discernatur a laico; secus percutus Clericum veste clericali non indutum, iustam habet ignorantiam causam, c. 4. *de sent. excom.* nisi aliunde scivisset esse Clericum. Cum vero qualitas tonsuræ, & vestis Clericalis non sit determinata a Sac. Canonibus, desumenda erit ex rationabili consuetudine diocesis, & præscripto Episcopi. Ea tamen, quæ modestæ Clericali adversantur, specialiter hic prohibita referuntur. Unde.

4. Clerici non debent laxare comam more lascivo, vano, & famineo, nec barbam nutrire, c. 4. 5. *h. r.* nec sicco capillitio, vulgo perucis, uti, nisi rationalis causa, & dispensatio accedat, ut antea Inn. XII. & recenter Ben. XIII. in Conc. Rom. c. 3. *h. r.* prohibuit.

Q. Quam dispensationem presbyteris alibi celebrantibus Bened. XIV. in Sess. 34. §. 4. probat concedi non posse neque ab Episcopis, neque a legatis Sedis Apostolicæ?

2. Non debent uti veste nimis brevi, vel nimis longa, sed talari communiter recepta, non rubra, vel viridi, virgata, seu partita, hoc est, diversos colores, & acupicturas referente; nec manicis consutis, seu chirothecis, quæ filis aureis, argenteis, & holosericeis distinctæ, & quasi consuta sunt; nec sotularibus rostratis, seu calcæis in formam rostri porrectis, lunatis, & cornutis; nec frenis, sellis, & pectoralibus, quibus equi ornantur, aut calcaribus deauratis, aut aliam superfluitatem gerentibus: sibilas omnino non ferant, nec corrigias auri, vel argenti ornatum habentes, sed nec annulos, nisi quibus competit ex officio dignitas. Ita hæc, & plura similia indecora prohibentur in Conc. Gener. Later. sub Innoc. III. relato c. 15. *h. r.* & in Vienneensi relato in *Clem. 2. eod.*

5. An vero Clerici doctores portare possint annulum, dubitatur: Negantium sententia est juri conformissima: tum quia doctoratus non est dignitas Ecclesiastica proprie talis, sed quidam honor Clericis, & laicis communis, qui latissimo dicitur dignitas. *Clem. 2. de Magistr.* tum quia non omni, sed certis tantum dignita-

